

洞雲稿後序

先王采詩以觀化也地遠
風雅而其族亦厚矣又適
逢世伙休明融昌豈不樂
育也哉醉里之詩至嘉隆
盛極矣余獨喜於山人考



以布袍草屨鐵笏鶴瓢
游吳越間。不受人籠
絡。其為詩。瀟灑清脫。有冰
玉之思。較之達者。殆尤出
塵濇而凌雲霄。身哉人
豪也。每手遺編。輒勤向

往。今多黨周君逸之日。與
晤言。以手稿見示。而鄉之
比部彭冲溪。太史黃葵
陽。吳門司勳大夫皇甫百
泉。叙之已詳。予何言。耶。余
獨謂弘德。洵如孫山人之

流以卿大夫好飾巖穴高
元之士以自貴垂聲施至
今稱之不休七周尹得右
軍墨妙摹道德黃產二
景諸經名宗珍之其詩彭
比部美其和平黃太尖

筆次其玄贖忘世皇甫司勳
異其指日且成大家旨哉言
乎詩者聲之業也周君
形骸去木雅尚玄遠得風
人之致直舉胸臆意象相
當宮商比協性多出入塵

國朝文獻通考卷之百一十五
三先生之許繇來哉余每
見初振羽於舜翰考不勑
勤于教乃其順飈而翔洋
羊角而直上以極于九萬里
焉况當堯君契相膺明良
而賞喜起于朝草莽之

臣多歌謠于海甸聖化誕
敷蠻涌曼曼次而里多風雅
足慰我西望之思山林藪
澤之間得周君者為之首
唱則後進之士庶亦有所師
法而余之忝竊名位者得

友周君庶幾若孫山人時
達卿鉅公彬文雅而免俗
吏之謂矣萬曆壬午端陽
日友人姚弘謨書



聞雲稿後序

梅墟周山人性喜吟吟且成帙二三鉅公
暨四方名士業已評賞之矣迺山人又屬
余叙豈以知山人之雅無如余乎夫山人
蓋竒士也性磊落多自負少年時尤跌蕩
無賴日耽奕博塞間人且疑其以浪浪自
廢而後竟克自樹一日蹶而起曰嗟是膏

火自煎也遂謝絕之閉閣默坐以故雖得
危疾竟脫焉已而又蹶然起曰嗟是東腹
待稿也遂決意為計然之畫無不立至數
千緡已而又率散去之購名書古器玩好
之物而以意揣摩之遂又割去一切而專
事書焉書成又學畫畫成又學琴琴成又
學詩而今詩又成矣大振山人之有事也

一去併力而窮其極既握其極而又勿久
居也蓋欲以古通人自希不屑以一藝終
焉耳去年春觴余於溪上而與語曾臆似
又厭心於前數者曰蝸涎蠻觸祗以自勞
龍轡駒光竊不我待且將酹鳧醉鴈以泯
沁自盡安得自蔽眼光以填黑境乎是其
中惟有煙雲竹石魚鳥麋猿往來於曾次

而已故其詩條然而出條然而入情境俱
忘工拙無倪不道墨人一字今且具在識
音將鏡焉

山陰友人周秉撰



閑雲稿卷之一

春日南園雜興八首

嘉禾梅墟山人周履靖著

幽居無一事長日掩柴扉
桑柘春前綠鶯花雨後肥
川光搖夕霽嵐氣帶雲飛
日暮溪南寺鐘聲出翠微

其二

數里郊墟外孤村烟火賒
牛羊歸隴陌鷄犬隔鄰家
布穀春將晚班荆日欲斜
田翁時過飲相

對話桑麻

其三

綠樹村邊繞清溪
檻外紆開披高士傳
頻灌小園蔬書靜聞
山鳥林深少客車
欲知逃世網
竹是吾廬

其四

樂此幽栖處閒心對野鷗
遠山千疊翠春水一
溪流苔遍蓬蒿徑
香生杜若洲
蘭樽隨所適
外復何求

其五

晨起寂無事居然思獨惺
臨池摹晉帖隱几閱
玄經酒向樽中綠
山當雨後青
誰憐嵇叔夜
嬾慢卧柴扃

其六

種竹開幽徑臨軒築小山
未成招隱賦且樂考
槃閒對酒花相笑
當歌鳥自還
悠然靜觀處
明月到柴關

其七

開卷和
卷之一
棲雲恒自足學圃謝無能游心惟竹素抱甕汲
寒澄堂北壺堪樹溪南石可憑應知會心處魚
鳥是良朋

其八

久欲全踈拙回棲野外林桃花兩岸色楊柳一
溪陰機忘狎鷗鷺性癖嗜書琴吾生耽樂事何
必歎浮沉

壽文水文師

解組歸來樂事偏蒼顏綠髮九華仙風流世

蘭亭蹟經學時稱涑水賢三月鶯花吳苑酒五
湖書畫米家船長生已授桐君錄遙夜萃星傍
斗懸

贈羅陽劉師

共羨清時早解紳扁舟歸泛五湖濱文章一代
推中壘名姓三朝重侍臣樽酒頻開青嶂月琴
書常閱絳帷春懸知桃李公門樹日向敷榮化
雨新

詠懷

四十總無聞荏苒竟碌碌功名日蹉跎逡巡以
混俗獨鶴逐鷄群空瞻遠舉鵠純鈞秘匣中遺
編徒自勗出郭望古墓但悲年命促歲蕤秋菊
芬倏忽春草綠榮華無定期光景靜中矚嬾染
洛陽塵喜釣巖灘曲蘭餘幽澤馨鷗任滄洲浴
散髮晞朝陽不受冠裳束種柳學陶潛誅茅傍
愚谷桑樞暫曳門苔茵聊當褥何妨陋巷瓢鄒
羨高駟駟行歌拾遺穗耻貧監河粟漸以却煩
囂常能守幽獨爐香靜自焚澄心祛所欲掃葉
焚枯魚携壺招近局驩然引夜杯明月何需燭
石林一枕高甕牖三竿旭無事到江城庶免殆
與辱五畝種瓜田此生聊自足頽俗寡所諧南
華可三復

送黃葵陽翰林

酒盈金屈觥槎汎玉堂仙紫綬飄飄日金閨侍
從年揮毫誇倚馬作賦擬甘泉當代推班馬應
知寵渥偏

梅花燈詠

不藉陽春發偏依火樹明無香風外度有影月中橫

元夕觀燈

九枝燈火炫金蓮共道春城不夜天曾憶廣陵雲裏樂霓裳歌舞夜踰躑

屠長卿過訪閒雲館

遙羨嵇中散軒居此日過不嫌荒徑寂但覺白雲多野饌供葵藿清陰結薜蘿如澗新酒熟奚惜醉叵羅

春望

江空遙入望一水接長天芳草王孫路斜陽旅客船桃花三月雨楊柳萬家烟誰道征途倦臨風亦黯然

春日項墨林夜集觀妓

華堂展良燕殘雪帶春寒舞袖搖銀燭歌聲繞畫欄月浮杯乍白漏促夜將闌倒着接羅興山公醉笑看

賦得春暖桃花浪

古渡添新漲，迴瀾泛落英。錦光搖淑浦，艷色動江城。紅雨隨濤急，丹霞濯浪明。武陵三月暮，流水接滄瀛。

上巳同張伯咨泛舟

有客尋春興，因之共採芳。良辰宜拔禊，沉醉漫浮觴。徑轉溪流合，春深草木香。不妨歸棹晚，新月照橫塘。

荅彭師冲溪

塔前芳草綠，春色已全過。山水遺情遠，琴樽入

興多。披襟乘朗月，揮麈寄青蘿。爲問先生道，花間醉幾何。

訪張凌虛

東風三月惜春還，有客移舟叩竹關。綠柳陰中啼鳥靜，翠微深處落花閒。琴彈淨几聞流水，酒泛宜城對遠山。清世自耽玄草室，肯容問字一追扳。

訪張幼于

日照吳門練色深，君家兄弟擅詞林。丰間紫氣

占龍劍閣上朝陽
洽鳳音藻賦盛傳
文苑秘綵
毫頰向研池
臨遙知竹裏開
三徑媿似求羊得
重尋

過王百穀半偈菴有贈

托迹渾疑雲水僧
常依精舍說三乘
百年獨秀
蒼松石一點常明
繡佛燈鶴御花間
邀子晉鸞
鳴月下嘯孫登
居然跌坐繩牀上
靜夜聞鐘萬
劫澄

清明日崑山遇雨因思先隴

渺渺度江濱
淒淒倍慘神
偶逢寒日節
應惜故園春
古渡迴風急
孤蓬送雨頻
荒塋竟誰展
涕淚一沾巾

同陶甄卿李君實擬訪耶溪上人
不遇且有庭梅可玩漫成一律

欲訪東林社
因要周續之
陶潛情縱酒
李白興無羈
杖錫何方駐
觀梅此日期
庭前
有清沼
一鑑識妍媸

春日集許夢萱宴

淑景催芳蕪風花遍草堂樽傾同北海客聚饌
高陽對局延宵未呼盧引興長主人情未極明
月正流光

荅秋潭上人過村居觀梅和韻

莫道村居迫鴛湖逼我家林幽啼鳥亂樹密轉
溪斜野思迷芳草清暉映晚霞支公多逸興移
棹問梅花

訪武湖友家即事

爲訪幽人宅遙尋谷水西入林驚犬吠隔竹愛

鶯啼白鶩耽樽酒青山信杖藜桃花開兩岸宛
是武陵溪

過包學憲園居

一徑開林莽雙溪帶雨寒繁花疑列錦修竹欲
凌翰鶴唳蒼松塢苔封白石欄東山歸卧穩樽
酒日盤桓

懶

春來頻伏枕高卧與雲居樹密鳴禽好林幽過
客踈梧風吹榻爽松月映杯虛牘有籠鶯興黃

庭久不書

春日過訪陶山人留酌

久擬尋春曳杖來不妨屐跡破蒼苔胡床共據
東林月清齋頗領北海杯遊思幾回芳草遍詩
情多爲落花催與君未盡厭厭興不覺醜顏玉
已頽

春風

着柳搖金纓臨池動碧紋梅花半殘處香雪落
紛紛

山居

花發溪前樹雲生屋後山徑幽無轍跡長日掩
柴關

別友

分手江亭上離情酒一觴吳山雲際斷越水望
中長芳草迷征袂飛花點去裝他時明月下兩
地可相望

鳥聲驚睡

房櫳春暖睡偏遲淑氣先從鳴鳥知倚樹千聲

驚曉夢臨風百轉動春思祖生不必聽鷄舞漢
使何須望雁悲寄語東山高卧者枝頭絃管可
相期

幽窓睡起招城南知己

幽窓一榻卧偏宜夢覺絕驚鳥語時幾處看花
頻中酒蒲牀明月忽成詩琴携叔夜誰同調舟
泛王猷吾獨思漫寄城南舊知己可無佳興赴
春期

雨後讀高士傳

春來風雨遍林丘寂寂空齋動客愁草徑絕人
間仲蔚漆園傲吏寄莊周枝間好鳥催杯盡野
外名山作卧遊漫倒床頭新釀酒不如且學醉
鄉侯

送吳公子鳳山入京應試

才子翩翩挾策遊春風更入
帝王州青萍壯氣遙凌斗綵筆生華近報秋霄
逼九重鷗鷺路雲開五色鳳皇樓相家經業君
能擅江左風流誰與儔

送別

桃花開兩岸春水一溪高孤舟成遠邁蘭蕙紆
江臯窮達固有命身心何足勞千愁寘胸臆兩
鬢成霜毛杯酒一爲別涕淚沾征袍回首情未
盡白雲天際遙

和張伯咨春遊景德寺得房字

杖藜郊外探春暘來扣支公竹下房幻跡已隨
雲其往閒情久與世相忘天成絕巘層層碧路
入叢林樹樹芳歸去夕陽湖水濶漁歌款乃在

滄浪

山僧惠茶

僧來天目寺貽我甬前茶
莢似黃金嫩泉如白雪
華長卿消渴思鴻漸
品題嘉茗向盧仝
啜寧言七碗除

寄識軒俞比部

吳中媿託金蘭誼天上難攀玉樹枝
况是秋風鵬再起卑栖燕雀切情私

白苧歌

開雲和 卷之一
荒墟三畝鴛湖邊茅屋數椽心自便繁梅帶雪
映屋角翠竹凝烟當牖前主人散髮性踈嬾白
晝掩卷臨窓眠興來徐步松下石屐齒印破蒼
苔色虛堂寂寂迥無喧鵲噪應過素心客牀頭
有酒濃如潼釣來之魚長一尺盤蔬漫剪園中
葵高歌共擬仙人宅醉後詩成足幾篇篇篇欲
作珊瑚赤起舞塔下花狼藉翩翩恍疑生兩腋
年來何以充朝飧紫霞英英手可摘

和沈觀察薄暮發西九過善卷洞吳氏伯仲

載酒舟中

幽人雀舫汎清波載酒邀賓日暮過十里曉山
紫野樹一溪春水繞烟蘿奚郎古渡吹橫笛漁
父滄浪起棹歌爲問山公遊樂處月明良夜興
如何

村居客過

溪幽春更好市遠隔塵氛僻徑推闌鳥荒村獨
過君班荆談落日倚杖看流雲濁酒聊成飲歸
舟月色分

寄金弘叔

結廬喜與竹爲隣
蒲徑清風藉此身
黃鳥有情時對語
白雲無意日相親
閒臨石渚垂魚釣
懶出江城脫角巾
却羨春來濡綵筆
畫將山水寄幽人

題釣鰲磯二首

偶來磯上坐青莎
一望湖光雨後多
水上樓臺如入鏡
花間鶯燕似成歌
遊人傳筆酣春色
神女捐珠弄夜波
漠漠澹烟籠古樹
遙聞天籟起

烟蘿

其二

重重樓閣俯滄溟
高築漁磯傍水亭
樹色四圍烟外碧
湖光千頃雨中青
東連越海凭爲塹
北控吳門恃作屏
幾處笙歌聽不盡
畫船明月繞沙汀

客有言天台之勝漫賦

偶逢逸客話天台
瀑布千尋翠壁開
山徑雨晴瑤草茁
溪塘夜靜榜人回
石梁雲護三松寺
仙

登秋深八桂臺何日移家傍巖谷數椽茅屋萬
峰隈

鍾使君水竹墅

澄溪一曲繞方塘脩竹千竿護草堂明月泛舟
同李郭微風開徑有求羊逍遙淇上芳樽滿盤
礴林中碧簟涼自是使君多逸興不辭過客詠
滄浪

贈郭五游隱居焦山

五岳遊來鬢未星攬將幽勝入圖經身閒鹿豕

常爲伴思入烟霞自獨醒得句每憑江月上談
玄時引洞猿聽知君已遁焦山跡拂石重題瘞
鶴銘

姚玄嶽見訪

獨卧中林下蕭然户久扃鶴鳴知客到琴響愛
雲停入竹堪題句看花數落英虛窓成晤對明
月過巖屏

春日過金明寺訪秋潭上人

春來黃鳥自嚶嚶結社遙知惠遠名落日踈鐘

流澗響空塔孤鶴繞花行蘇公說偈來忝座陶
令逃禪未解醒不覺東林明月上悠然相對悟
無生

村居

攜李城南五里餘蕭蕭水竹野人居浮雲世外
一樽酒長日床頭數卷書虛牖月明留客醉芳
園雨過課兒鋤悠然流水柴門繞白日垂竿且
作漁

過玉樞觀丈室四首

江城春雨後訪客到巖栖竹靜林逾宵花深路
欲迷浮沉忘世態虛朗得天倪晤對斜陽裏歸
雲繞戶低

其二

仙隱隔塵寰清虛白日間洞蕭吹碧玉石乳駐
朱顏春暖芝三秀年深丹九還欲傳真秘訣松
下叩玄關

其三

仙家一境深鷄犬寂無音黃獨能充饌丹砂自

化金花繁春不盡
松古畫常陰
隱几忘深坐
清虛長道心

其四

閒居唯習靜
長日閱南華
客至先迎鶴
童來謾煮茶
糞生經月
莢松落半庭
花借問軒居
客何如道者家

閒居對雨

十日春陰合
孤城積雨寒
不禁愁思溢
須仗酒杯寬
竹色侵衣重
花枝照眼殘
欲將遺世意
俱

付釣魚竿

對酒

新釀乘春熟
庭花映日開
清風松牖至
逸客剡溪來
細切金盤膾
旋傾玉瀝醅
前軒明月上
徒倚坐蒼苔

寄謝子仁

一自鷺啼送別時
忽看楓落又空枝
書沉薊北
歸鴻遠路入江南
去馬遲
草色連天牽客夢
月明滿地動相思
何時共秉東窓燭
白酒黃花續

勝期

江村晚霽

澤國微茫水接天
數家茅屋起炊烟
隔洲漁網斜陽裏
遠浦菱歌薄靄邊
樹壑依依堪獨坐
柴門寂寂任高眠
晚來更喜東隣社
撾鼓兒童咲語闌

別陶甄卿二首

恠爾江南客飄然冀北遊
篋中藏竹素袖裡挾吳鉤
堤柳縈離緒溪花繞去舟
人生輕聚散世

下總浮漚

其二

送客早春時離腸促酒卮
行程催去棹別袂縮游絲
芳草天涯望梅花江上期
秋風傳尺素莫使雁來遲

送陶君北上二首

南臨鴛浦春初霽北望吳門路
轉長一曲歌來牽別思
三杯傾後促離腸須知塵世如
虛夢莫戀京華是故鄉
十里津亭回首處杉青落日恨

茫茫

其二

二月江花開滿洲故人遠別更牽愁鶯聲惜別
春將老柳色沾衣綠正稠劍上寒光隨客路雲
中佳氣近

皇州歸期好赴南來鴈莫負黃花三徑幽

久雨喜晴

經旬踈雨獨蕭然曙色晴分萬里天幾處鳥聲
新霽後一番花氣晚風前鳧鷖對對浮春水楊

柳依依拂曉烟欲過西郊尋酒伴不辭沉醉習
池邊

暮春病懷

兼旬不出郊春色翳蓬茅酒薄愁難遣詩慵病
已拋柳塘魚沫絮花塢燕營巢春去渾無緒晴
窓讀楚騷

雨夜

殘春風雨急日日閉柴扃自憐雙鬢白聊對一
燈青夜永情無賴愁深醉易醒破窓蕉葉亂枕

上不堪聽

閒居簡友

一春花事盡歲月已蹉跎閣筆思工句鳴琴却
睡魔性疎交物寡晝靜下帷多不厭巖居寂扶
筇過澗阿

過田家

釀熟牀頭酒回過野老家嚶嚶枝上鳥燁燁露
中華入饌供青笋傳杯洗紫霞興闌新月掛散
步過溪斜

寄章仲玉

與君分手石橋邊江上春風又隔年岸草忽生
遊子夢梅花遙憶故人篇闔閭城外從雲望烟
雨樓前待月圓吳越相望應咫尺相思莫阻鴈
鴻傳

暮春携酒過黃氏禮石軒得石字

熏風轉南陸殘紅曳郊陌而我載酒人招尋素
心客好鳥鳴深林橫塘漲新碧斜陽映溪流微
風動巾幘白雲浮碧天明月照幽石醉我不知

還烟深村已夕

招王山人

不見王珉久春來思若何
杖頭沽酒值谷口採
芝歌月照青蘿館風晴白
芎阿林間饒筭蕨待
爾一相過

有客過訪不值

寂寂蓬門下春風來
友生不堪題鳳字無那聽
鶯聲庭際閒花落
堦前碧蘚榮虛堂明月在
悵望不勝情

春閨怨

清晝園林啼鳥稀
留春無那惜春歸
離愁不逐東風散
化作楊花着處飛

暮春有感答所知

深巷絕經過門閒
鎖薜蘿詩懷春更少
酒債日偏多
燕子將鶯語鶯儔爲客歌
不知嵇叔夜雅調近如何

已外除夕

殘臘逼新歲宵餘尚舊年
松燃今夜火竹爆早

開學利
卷之
春烟濁酒過村釀辛盤入野筵忽驚三十載世
事幾推遷



閒雲稿卷之二

採芝曲

嘉禾梅墟山人周履靖著

山深多白雲樹杪懸飛瀑中有採芝人長歌行
帶索烟蘿縹緲遙躋攀清泉脈脈聲潺湲玄猿
古洞常哀嘯自是仙界非人間山頭嵐氣濕紫
芝大如笠振衣長嘯向天風拂石因之覽篇什
醉聽楚調碧雲中仙客相逢一長揖烟霞霏霏
滿林藪堪嗟萬物皆薊狗傲矚人間名利徒浮

雲變幻吾何有

夏日竹林閒坐

蕭蕭竹數叢涼飈襲林莽
靜高齋虛琅玕振餘響
倏忽翳繁陰悠悠足心賞
一枕北窓閒如在羲皇上
條然屏俗氛曠矣絕塵想
茶烟散碧空雲影飛蘿幌
唯諧素心人高談入玄朗

出塞

赤羽插兜鍪將軍出塞遊
電光騰漢馬霜氣肅吳鉤
白雪千山曉黃雲萬里秋
城南鼙鼓動辰

振朔河頭

其二

塞上龍沙合王師氣亦雄
雕弓彎夜月長劍倚秋空
陣結天邊鳥營連海上虹
漢南驕虜遁不數貳師功

昭君怨

畫圖君未識薄命搃堪傷
上馬含新恨離宮憶舊粧
朔雲沾淚濕邊月蹙眉長
惟有青丘草年年徒自芳

送王元美入曇陽仙館修道

三朝出入擅才華未老投簪卧紫霞
脫屣人間聊謝世希仙物外欲辭家
閉關親授曇陽訣採藥兼貽少室花
自是久懷禽向願相從何日飯胡麻

初夏即事

柴門長日靜花落一林風山色新晴後
溪聲過雨中簷巢留燕乳籬網訝蛛籠
抱膝長吟咏詩成不計工

夏日集盛敬山齋

兩過忽生涼高齋夏日長啣杯浮綠蟻
鼓瑟激清商修竹連雲翠芳蓮入座香
獨憐隣叟興携酒近東墻

送周後峯

之子弭歸棹當杯引劍看話殘銀燭冷
風悄客裘寒別緒一宵集高情兩地寬
檣烏愁入望渺渺暮雲端

寄葵陽黃太史

含香仙吏玉堂英
華綬翩翩漢長卿
當代文章推左氏
清時辭賦重西京
傳來白雪人難和
譽出青雲誰與并
會見近開天祿閣
青藜夜夜照書明

壽百泉皇甫師

昔從藝苑攀花客
今識吳門採藥翁
華髮不隨飛雪白
玉顏常駐落霞紅
琴樽已入耆英社
詞賦應推漢魏風
遙指歲星長夜耿
還瞻紫氣滿江東

晝坐

碧水浮蓮檻微涼
動竹枝野花凝宿露
風葉骨晴絲漫擬閒
居賦高歌伐木詩
莫云長日靜鳴鳥
自相期

賦得竹深留客處

脩脩千挺玉爽籟
一林深翠色侵踈
簟清陰洽素襟子
猷堪寄傲叔夜愜
幽尋瀟灑淇園暮
涼風動客吟

賦得荷淨納涼時

避暑逃河朔誰知向若耶江妃步羅襪越女浣
溪沙露濕霓裳冷風香翠袖斜採蓮歌乍起涼
思入蒹葭

暑夜

松下堪逃暑悠然坐夜分風前移枕簟竹外散
氛氳宿草螢流火喬枝鶴載雲更殘星月皎萬
籟寂無聞

過白蓮寺

一入清冷境深溪跨石梁庭陰蒼蘚合閣影碧

雲涼蓮白泉猶白花香兩亦香靜聞清梵後俗
慮可相忘

關山月二首

明月照關山征夫擊刁斗相彼閨中人清光共
相守

其二

月落陰山暗匈奴半渡河征夫起想視錯愕不
敢呼

隴頭水

隴水一何急隴風一何多風吹逐臣淚流水爲
增波

折楊柳

楊柳綠如烟垂條何纖纖送君出東郭聊代繞
朝鞭

君馬黃

君馬黃如金臣馬黑如鐵永河邨可渡雲山邨
可涉

採蓮曲六首

荷花比顏色君道花多姿將花擲君前請君抱
花枝

其二

妾慙比花好君道花不如顏衰與花落君心復
何予

其三

碧葉如春雲素藕如春霜爲看花開日紅顏似
六郎

其四

妾貌荷花紅妾心蓮心苦荷花更有香蓮心只是苦

其五

打藕絲不斷揉花衣更香無端擲蓮子打散兩鴛鴦

其六

蓮葉綠可掬蓮花紅復嬌玉腕柔無力隨風嬾着撓

白門柳

如何白門柳空作青羅色縱有千萬條不堪繫金勒

江南弄

春雨長新苔春風撲面來江南三月景無處不花開

菱歌

水綠菱花香霜寒橘柚美羨殺蕩舟人歌聲出烟水

銅雀妓

二喬招不來雙雀飛不去回首望西陵蕭蕭但
烟樹

吳王臺

霞錦如衣錦花香似粉香向來歌舞地夜雨鳴
寒螿

巫山高

巫山一何高雲夢一何低高低不可望烟霧使
人迷

子夜歌

白日不再過缺月不常滿壯士聞鷄鳴起舞復
深懣

綠綺琴

偶携綠綺琴欲寫相思怨含情曲未終窗外飛
花縵

懊懷行二首

悲風夜西來怒號江頭樹愁殺江干人水深不
堪渡

其二

花開不來折花老空折枝如何折花人春盡無
歸期

宮月

明月本無情人間有歡苦東宮照莓苔西宮照
歌舞

秋江怨

江水從深淺江雲自澹濃蘭舟輕蕩槳不去採
芙蓉

上揚司馬應詔北司空排律一首

奕奕瞻山斗雍雍列上公冰霜清白操河洛鬼
神功畫戟明秋月霓旌捲朔風三朝崇德譽廿
載展勤忠曳履隨仙馭鳴珂繞玉駟儀刑仰四
海禮樂範東宮社稷匡扶重巖廊補袞隆高勲
著麟閣景曜企無窮

田居

欲屏寰中跡郊墟搆小廬不妨營日夕聊以托
村居時聽鳥鳴谷欣看農荷鋤送雲歸嶺岫帶
月灌園蔬得意哦新句無材任朽樗客來炊脫

粟僮去擊鮮魚莫謂囊無物還欣架有書但能
長壽考利祿本來虛

書懷

長日衡門晝掩深微風庭院轉槐陰閒來賸有
琴樽與老去惟餘泉石心狂夫接輿歌遠道懶
餘中散卧長林自甘原憲終貧賤委巷蕭條少
客尋

寄友

憶昔河梁送別時兩經春草隔佳期朱門俠客

青驢馬茅屋潛夫白接羅目斷北來秋後鴈心
驚去歲鬢邊絲不知何日思歸騎對爾同吟月
下詩

詠沈霓川存石堂

百年堂肯構遺石尚崑龍陟屺終思後羨墻未
幕中烟雲三島蹟文藻一家風奕世箕裘業悠
悠繼不窮

和沈觀察移榻

竹間開短榻林下寄閒人傲睨空孤眼婆娑老

此身枕聽黃鳥近庭轉綠槐新明月幽窓下偏
宜獨鶴親

和沈觀察七月望夕熟崗對月兼懷几軒長
公

扶策向林邊崗頭月正圓珠光浮湛露野色散
輕烟桂自秋中馥人從靜裏偏不堪懷遠意把
酒對嬋娟

村樂

十里江村隱者家幾椽茅屋傍溪斜須知力稼

丘中事豈羨浮名世上華曉霽虹收千嶂雨晚
香風度一林花西鄰野老成春社此日酣歸月
正嘉

初度

秋半逢初度江湖此日來膝前兒女幼髮上雪
霜催事業渾蕉鹿功名付草萊知非年已及心
迹捻寒灰

答文水文師

無人慰幽獨倚石撫孤琴忽枉山中雙屐傳雲

外音別時聞雅調歸後長蓬心若問林丘事烟霞夢已深

寄金華破瓢道人吳少君

若個買山錢誅茅古洞邊羨君遺世意貽我采真篇充茹岩頭蕨躬耕谷口田江南春色早梅信望先傳

送別田十二

此夜故人別清罇可暫留高駘尋故道落葉擾新愁日送關山杳心隨漢水悠西窓雖有月思

爾勸登樓

採蓮曲

蘭舟蕩漾平湖裏紅粧艷冶臨江水一片波光似鏡明娟娟照曜芙蓉美荷香不斷因風微柳蒲深深人跡稀歌聲宛轉度芳渚鴛鴦拍水還驚飛烟光散彩日欲晡錦帆遥遥隔江滸却恐羅衣不耐秋還裁白苧牽衣補

過山家

策杖探名隱茅茨碧澗阿雜花當戶繞幽鳥隔

林歌風引泉聲細窓含樹色多憐君有高致我亦愛松蘿

睡起

寂寂幽窓夢覺初一簾花氣悶琴書坐來清書無人到愛聽黃鸝慰索居

長安寶騎篇爲李君實賦

旭日曛曛生紫烟百花晴洲春可憐驂騮蹀躞騁天路錦鞵玉勒珊瑚鞭鞭稍遙指長安樹樹色濛濛隔春渚一朝直上張騫槎萬載常通生

女渡女牛渡口逼銀河燦燦文光照碧波蓮花亂撲仙人掌羅綺新裁帝子梭梭去梭來錦色饒鮮霞翠靄濯江濤春雷午夜驚龍穴霽日啣輝識鳳巢穴龍巢鳳起天門詔墨濃香蚤被恩掛體宮袍雲氣潤爭先寶騎雪花痕寶騎青絲映御溝花開花落任東流水天儻有敲詩夢憶我江干老釣舟

馮懷七首

不識侯門貴甘爲石戶農衣裁秋後薜饌煮雨

前葑無意看黃鵠多情慕赤松
生平山水癖麋鹿伴行蹤

其二

計拙違人意情踈處世疲
雲霞堪作伴筆硯藉
爲資興逸吟山月
酣餘倒接甌
雄心今已矣
雙鬢忽成絲

其三

不是封侯骨應知樗散材
甘心從木石屏跡翳
孤山玉綸垂巖瀨
臺野人機已息
鷗

鳥莫相猜

其四

阮藉愁何在因知轍跡窮
椎消湖海氣性任馬
牛風春醉花間月
秋餐菊下藁無人
識此意矯
矯寄冥鴻

其五

少年不解事氣俠五陵豪
偃蹇嗟時命蹉跎感
鬢毛明月照茅屋
涼風吹布袍
經旬不到市
閉戶讀離騷

其六

自甘巖穴下嘯傲一壑間白雲寄幽躅丹藥駐
頽頽慮澹何希世身閒且對山半生空碌碌倦
鳥已知還

其七

守道存吾拙遂與世俱違門靜雲來慣家貧客
過稀青山成隱癖瑤草解忘飢欲學原生志甘
爲百結衣

草堂即事

空齋寂寂鳥鳴時門徑無人苔蘚滋林靜
野曠晝永庭寒花樹發春遲厨分餘粒供雛鶴
篋殘編讀舊詩自信疎慵違世用且傾杯酒向
東籬

聞徐潤卿西行見寄

不見徐卿久相思勞夢魂君能乘剡棹我已守
衡門寄興憑花鳥寬愁任酒樽何時還策杖白
苧是吾村

夜吟

白日苦不來秉燭忘更深蛩聲四壁冷月色一
庭陰吟處燈花落酣餘刻漏沉松窓坐不寐曠
矣竭來心

詠僧房古雙樹

亭亭雙樹起鬱鬱野烟封老榦偏巢鶴危枝欲
化龍霜清存節古月冷羃陰重僧臘經來久生
公此寄蹤

君實姪讀書白苧村

苧村五里暫誅茅松桂春深紫翠交映雪莫遠

孫氏志草玄何解子雲朝慙余樗散終投壑羨
爾騫騰豈繫匏佇看酌澗春漲暖雲雷指日起
潛蛟

和遊善卷洞二首

躡屩探仙境烟霞幾萬重澗邊瑤草合洞口白
雲封怪石蹲如虎長松偃似龍靈砂無覓處丹
竈有遺蹤

其二

藤蘿蔓古道別是一丹丘白鹿花間過青霞松

際浮澗泉行處急石磴坐來幽忽聽簫聲起仙
家近倚樓

和遊天窟洞

何年鍾異窟竒絕出天工日月開圖象烟霞鎖
洞宮泉飛如噴雪松響自含風此日尋幽憩蕭
然俗慮空

遊王杞縣湖上園亭

窈窕亭臺控紫烟迴峰疊嶂俯晴川人間不隔
三山境塵世今開二酉天水接澄湖通曲沼竹

連幽徑瀉清泉高陽逸侶時相過詩酒歡歌帶
月還

暮歸

野色暮蒼蒼投林鳥宿忙隔溪漁火映何處笛
聲揚舟趁長風度人隨明月光應門孺子待把
酒攬匡牀

漫興

釣罷清溪看罷山且隨孤鶴伴雲閒生平巖壑
從吾好竹裏梅花屋兩間

唐詩集
卷之二
十一
覓句

月上踈簾帶晚霞微風吹落木藤花幽人覓句
渾無語宿遍池塘幾樹鴉

遊仙

鐵笛橫吹鶴背遙碧雲天外數峰峽羅浮山上
梅花落無那隨風作雪飄

宿東郊田舍

清夜過田家蕭然出人境殘霞散碧天落日啣
蒼嶺邀我草堂間月照松蘿影鳥栖芳樹深犬

吠荒村冷濁酒情易酣豈辭良夜永而我醉無
歸留驩惜餘景

沈觀察避喧山中

暫辭金馬門高蹈誰能酬屏跡闕名山烟霞入
冥搜往來謝塵鞅世遠心悠悠眷言樂終日安
坐觀沉浮靄靄窓前雲泠泠石上流清齋理水
絃一曲松風幽甘與木石居心偕鹿豕儔無爲
契玄靜有道企前修逍遙巖谷間何異蓬萊遊
過西關訪耶溪上人菴

開雲和 卷之二
逃禪何必問廬山西水津頭叩竹關禪觀六時
塵劫盡心明一點佛燈開客來已過齋鐘後鳥
下猶聞法座間最喜摩尼珠尚在夜深光照客
途還

遊三塔寺

凌虛朱閣偶來登鴈塔青霄逼幾層
龍去千年淵尚在松高百尺翠猶凝
殿明長照然燈佛日落初歸乞鉢僧
我亦閒來依靜域澄心更欲理三乘

陳良卿讀書僧舍

愛爾潛脩勵壯心蕭然一室寄禪林
編依積雪攻長夜讀借慈燈惜寸陰
花發祇園揮藻翰月明梵宇淨幽襟
秋來桂子天風度好振鸞霄萬里音

贈章仲玉

吳下重逢子墨卿詩家五字號長城
知君鐵畫應無敵克捷人間筆陣兵
此君善剗劂

過精嚴寺

千古靈光寺樓臺倚碧霄
鐘聲時隱隱幡影日
寥寥鶴舞松間石僧
飡竹下飄幽懷堪自適
一榻白雲饒

月下與張山人聽琴

涼月臨虛牖清商動石林
乍疑流水調翻聽老
龍吟萬木澄秋色千峰
翳夕陰平生幽曠志若
個是知音

夏夜

螢光照霏微河影見清淺
林軒度涼風不覺煩

心遣

題畫四首

茅屋傍烟霞臨溪幾樹花
不知塵境外別是有
山家

其二

山空飄榭葉石隙露雲根
鳥集溪邊木人歸烟
外村

其三

古寺溪橋外孤帆烟水中
江雲迷野樹鷗鳥伴

漁翁

其四

樹密青山合，雲深鳥不飛。
如何採薪者，薄暮未言歸。

郊墅雜興四首

十里湖光好，群鷗傍渚沙。
青門瓜五色，玄圃樹三花。
豹隱南山霧，星懸處士家。
村居聊習靜，久矣謝紛華。

其二

生計貧仍拙，愁懷老漸增。
無心堪應物，有髮解爲僧。
山聳無聲畫，星懸不夜燈。
昔人有遺照，聲折我何能。

其三

夙耽丘壑卧，甘與鹿麋親。
年華星髮改，生事石田貧。
世路悲難合，人情豈易真。
平生拚縱酒，潦倒自全身。

其四

山林有清况，茲復載陽時。
舊巢喧乳燕，新水漲

平陂地迥心逾靜
人間日更遲
幽欄吾自適
何解世人知

晚望有懷

同心不可見
雲樹兩茫然
懷以歲云暮
婁其月正圓
風塵吾欲老
詩思子猶玄
好寄南來鴈
音書莫杳傳

藕絲詞

憶郎渾似藕絲深
藕絲不斷牽妾心
安得常如蘿薦蔓
纏綿未結松枝陰

宮詞

寂寞羅幃夢不成
忽聞別院按歌聲
瑣窓獨坐憐孤影
惟有梨花伴月明

其二

珠簾半捲月侵牀
漫撥琵琶曲意長
滿地白雲人不見
一庭踈雨杏花香

江南竹枝詞四首

夜來時雨溢春田
江上蘼蕪遠接天
青笠綠簑雙蹠足
柳條帶雨串銀鱗

其二

村南老婦鐵搔頭
臯縮唇犁項上癩
笑指紅顏採桑女
吾家新婿已封侯

其三

梅雨秧田綠正舒
桔槔終日掛庭除
妾在房中剥白繭
郎從海口販黃魚

其四

黃荳滿畦菱滿湖
問君生計不須圖
黃荳先償李家債
菱錢欲抵張家租

獨坐

野人寂無事一室自蕭閒
歲月青山裏琴樽碧
水間浮雲秋易變落日鳥
俱還何處吹長笛悠
然獨掩關

辛巳除夕

梅柳傳春信水霜易歲華
物情看漸改霜髮惜
交加綵勝裁春帖青燈
剪夜花一樽聊自適
簫鼓幾人家

挽百泉皇甫師

大雅淪亡後詞林已失君人皆憐宦跡天已忌
斯文丹壑成長夜青山慘暮雲風流不可作四
海有名聞

挽冬溪澤上人

五燈傳淨土隻履向西方寶偈藏虛室鉢衣付
古堂秋風淒錫杖夜月冷禪牀莫道旃林寂猶
餘苾草方

閑雲稿卷之三

嘉禾梅墟山人周履靖著

入塞

奏凱旋胡地鳴笳入漢關
清霜刁斗靜朔雪鐵衣還
鳥陣旌旄外龍沙鼓角間
單于已空壘萬里勒燕山

閒雲館漫興四首

披襟娛永日山翠雨初過
小院花爭媚晴窓鳥自歌
雲冠裁紫籜野服紉青蘿
幽意誰能識閒

開學和 卷之三
鳴柳過鶴渚載酒入烟蘆雲淨溪容澹霜寒月
影孤城臨梵王寺樹繞范公湖自笑狂歌者高
懷此夕俱

郊居

欲屏塵囂跡移家住白雲情閒調野鶴味澹煮
香芹春到梅枝好秋來菊蕊芬興餘還自酌不
覺醉斜暝

秋夜懷奉常沈少河

兩過空林夜氣清星河耿耿月盈盈天衢露淨

聞仙樂禁漏風輕出帝城鴈信杳逢關塞影霜
砧頻動越江聲詩懷尚鶩青霄上莫道年來太
瘦生

寄荅百泉皇甫師

河梁惜別兩經秋何限梅花動別愁一自玄亭
歌對酒幾回明月夢登樓釣船獨鶴誰同載詩
草名山師自留忽枉瑤緘傳郢調泠泠白雪遍

滄洲

秋日詠懷

江郭秋來雨色深蕭蕭黃葉滿疎林采真何處
尋三秀抱病閒居戲五禽一壑琴樽宗炳志十
年詞賦左思心遙知桂樹淮南發招隱誰人
厭苦吟

贈鹿門茅夫子

早時詞苑擅聲華海內文章屬大家訪客夜乘
茗水月揮毫朝染赤城霞耆英社作蘭皮長賢
聖杯傾北海賒媿我登龍非謂晚不辭閭字過
侯芭

答沈繼山太僕

結屋闕烟蘿栖遲歲月何門前轍跡少林際鳥
聲多詞客貽佳句山人引浩歌梅花全欲放明
月望相過

秋懷擬陶

棲遲三徑間况值黃花節清露浥芳叢涼飈吹
欲徹坐弄無絃琴傷彼知音絕好鳥拂簷過閒
雲當戶列未懷陶徵君千載尚高潔

秋日郊外偶逢徐龍臬同過玉樞觀煮茗談

玄十韻

秋高木葉踈霜老楓林赤蕭然徑路幽杖策經
方澤時過小橋西忽遇南州客翩翩拂流雲宵
宵青溪宅洞門晝不扃庭鶴閒翩翩頤然雲水
姿曠矣囂塵釋何當絕粒思欲往師黃石古壇
誦陰符閒房煉梅核呼童覓松枝淪茗供談席
曠朗志相諧習靜意莫逆送我出桃源日落村
烟碧

過周幼海群玉山房

蔣翊修篁徑求羊此其居琅玕千挺碧寒翠一
窓虛隱几清風滿臨池爽氣餘我來因問字秋
色遍庭除

荅鄔山人汝翼

天際殘霞散遠岑江城幾處動秋砧雲間忽下
青鸞信郢上遙傳白雪音萬里遨遊期汗漫一
緘書札信浮沉遙思北固山前月何日移舟共
醉吟

望湖樓秋集

高閣平臨湖水頭澄波萬頃接清秋晴巒盡向
天邊出彩鷁俱從鏡裡游映座鮮雲堪作幙入
簾新月乍爲鈎凭欄自覺滄溟近滿日飛霞散
十洲

秋夜不寐

明滅蘭缸火淒涼夜不眠秋聲黃葉外清夢白
鷗邊歲月渾無緒山林信有緣此生甘寂寞不
學楚囚憐

寄襄上人

春風歸杖錫白露忽經秋欲問無生偈相期泛
海舟禪心明月在衲影碧雲流何日天台約芒
鞋度石頭

七夕

天上雙星夜人間七夕秋河梁靈鵲度仙駕綵
雲流傍月迴雕扇凌霞結綺樓殊憐此宵意稍
慰隔年愁

清秋野泛

秋水碧淨連天時有幽人載月還一曲滄浪

歌未歇沙頭驚醒白鷗眠

懷隱

生平性癖在烟霞欲賦閒居興自賒買斷溪南
三畝宅數椽茅屋傍梅花

秋夜嘆

幽閨沉沉月光吐碧紗籠窓若烟霧回文錦字
織不成冷落中懷與誰訴花深露重月影自空
堦冷鶯鳴蟋蟀誰云河漢有牛女咫尺可望不
可即

黃靜叔夜至

一別忽三載鴻泥迹屢違秋來江上棹夜扣竹
間扉榻下流雲滿燈殘刻漏微情深話忘久斜
月過窓輝

借宿漁家

薄暮涉江鄉漁家竹裏藏簑橫釣船上網掛野
籬傍月出林榆白霜飛岸柳黃何當孤客夜一
枕寄漁郎

遇徐潤卿言懷

開卷和 卷之三
深秋步郊墟邂逅山陰客握手欵荆扉歡然叙
離隔懷抱與君同所恨塵縻迫百年能幾何歲
去不復得長揖謝時人嘉遁誠高策三徑蔣生
園五柳陶公宅露葵朝可殮脫粟時堪食偶諧
平生心懶蹈世途迹樗年苟得全期君就三益
談笑忽爾忘烟深徑欲夕相送過溪橋東林月
初白

夜坐聽雨

飄風朝捲屋急雨暮敲窓獨坐生秋思蕭然對

夜缸

題畫二首

石壁曳停雲幽林繞竒樹中有學仙人不知朝
與暮

其二

江上霧濛濛無風自成雨或頭鳥不鳴隔溪人
欲語

觀泉

潺湲石間流盡日恣探賞欲覓源頭生須登千

月夜
仞上

月夜飲烟雨樓坐有應舉者

挾客泛滄洲重登湖上樓金波方浴暈白露正
橫秋月朗樽堪倒風輕水不流銀河如可攬還
向廣寒遊

秋日過秦川海門寺

野寺栢森森清秋喜獨臨蘿緣幽徑轉葉落古
臺深日照雙幡影雲流一壑陰欲尋支遁侶清
夜扣禪林

懷仙

俾彼寒岩松鬱鬱何青葱盤根抱奇石孤標摩
蒼空余欲奮幽志卜居寄崆峒服食茹紫芝披
霞騎赤龍願言結玄侶雲深尋葛洪

感懷

壯志俠少年長懷出塵表僂俛在功名淹留類
牛皁失意遂歸來脫屣不旋繞青山諧素心白
日恣幽討茹蔬固莫辭甘爲丘壑老元亮我所
師幽貞願相保但恐霜霰侵奄忽同枯槁

登湖天海月閣

傑閣凌青漢窓虛爽氣流水搖雙浦月雲接四
山秋齒落紅浮渚蘼蕪綠滿洲曾聞范相國於
此汎扁舟

秋日山齋

商飈颯颯動林隈長日衡門翳草萊一榻新涼
秋乍至半窓虛白月初來山中紉蕙成春服海
上流霞泛酒杯莫道嵇生耽嬾慢性同猿鶴卧
蒼苔

秋思

颯颯涼風吹客衣天涯游子思依依關河候鴈
秋方度鄉國懷人書未歸日暮寒砧催逆旅夜
深明月照孤幃不禁四壁吟蛩起愁絕空山獨
掩扉

秋日過張伯容幽居

不到清溪久其如逸思何竹間人獨卧月下客
重過掃榻雲陰護啣杯月色多知君振竒藻郢
雪自成歌

壽懷莊表兄六袞

大隱仍耽市淳風古逸民棣華同樂歲甲子載
過晨式穀承先業傳經啓後人緣知蘧伯玉心
化已超神

夜投僧舍

風露濕秋衣來敲僧舍鉦鐘聲流澗響月色照
人輝蓮漏更初靜禪堂燈漸微蒲團聊可坐一
宿想皈依

夜雨詠懷

幽砌響寒蛩空林落葉風更殘人不寐愁入雨
聲中

秋日園居擬次皮陸臨頓里倡和十首

林紆三畝竹地有一廛居屢過門間客曾留竿
上書坐邀中聖酒盤出在瀟魚藹藹芳堦草應
無排藿車

其二

林泉與山谷隨地可誅茅川媚珠常韞松深鶴
自巢求信殊類蠖濩落偶同匏盡日宜端坐涼

陰雜樹交

其三

清風披短褐白日據胡床
辟穀希松子全生事
藥王溪深行跡鮮
樹暝宿禽忙大隱何妨隘城
迴十里疆

其四

落葉時將改鳴蛩候
已知晚蘭仍可擷
庭桂有餘姿望野
捻成趣看雲有所思
吾廬修竹好宜
詠衛風詩

其五

綠蔓穿山竇清風滿竹扉
鳥鳴欣傍枕客至嬾
披衣露冷山楓落
巢空在燕歸自憐吟
息苦秋色轉霏微

其六

徑僻有携杖門閒無過車
樽中不虛酒籬下又
逢花地隱同愚谷池
開非習家寒香如可贈
聊以代胡麻

其七

荷亭暑方退菊徑秋欲殘誰結王生韞羞彈貢
氏冠灌園甘抱甕釣水且投竿日有青衿子從
師禮杏壇

其八

黃葉時飄徑白雲秋滿天苔深堪狎鹿樹冷不
聞蟬虛室能生白澄心欲入玄月明梧畔井陘
影落寒泉

其九

清秋踈雨霽衰柳團團門竹覆簷前影落寒泉

上根鳥驚雲入樹魚躍兩翻盆賸有床頭帙從
教課子孫

其十

浮雲憐變態攘臂復何能既適丘樊樂寧論世
道憎書將魚代寄車讞鶴來徵濁酒從吾醉顏
然白曲肱

和中秋泛月二首

人間此夕月初圓萬里瑤光射碧瀾鵲影南枝
時宿冷笛聲何處夜吹寒香分桂子風前度水

出芙蓉露下溥把酒高歌乘逸興醉餘猶向夜
深着

其二

蘭橈試泛碧湖頭瑞彩涵天一鏡流千里共憐
今夜月幾人同笑昔時樓樽前醉倚青萍氣扇
底歌翻白苧秋縱飲何妨歸路遠麗譙不覺促
更籌

南津曉發

曉路客舟行城頭月尚明蓬窓侵露冷帆席任

風輕序鴈空中度荒鷄野外鳴却怜行役者霜
色鬢邊生

江上

一葉輕帆江上流依依雲樹望中稠涼風野店
炊烟起落日山城露氣浮夢破篷窓今夜月愁
成霜鬢隔年秋停橈欲向漁郎問何處滄波好
繫舟

西湖歌

十里西湖景絕奇兩峯秀出如蛾眉六橋春暖

開雲和 卷之三
笙簫沸三竺烟深紫翠迷桃花如錦柳如線聯
翩彩鷁相追隨朱門公子金勒馬雕弓挾彈恣
遊冶清歌妙舞競繁華紛紛盡是豪華者客子
年年芳草堤遊人日日醉如泥青山依舊水仍
綠可憐花落鶯亂啼

孤山慨古

幾樹梅花繞石扉暗香風外襲人衣千秋處士
名猶在不見亭前白鶴歸

吊岳武穆墓

共識忠臣墓英靈奕世傳非心聲嘶鐵馬怨恨入
啼鵲細雨靡蕪外淒風松楸前平生懷古意有
淚洒巖泉

山行

萬木蒼蒼繞碧山禽聲不絕翠微間白雲深處
無人到時有樵歌日暮還

訪李岫嵒

自別仙翁久春風數載違偶來湖上棹重扣澗
邊扉瑤草侵堦碧丹爐伏火微十年塵夢客到

此挹清輝

登天竺

松迴三竺路迢迢殿閣崢嶸架泐寥客到上方
齋後磬僧歸幽徑雨中飄捫蘿漸躡高峯迴漱
石旋隨碧澗遙興洽已忘歸去晚愛看明月過
溪橋

寄天台褚霞峯

知君高卧在天台回首桐江即釣臺正是風光
三月暮不教春信一枝來朝食自秘烟霞訣野

服旋將薜荔裁他日相期過洞口桃花深處且
啣杯

山行

行行山不盡處處愜幽尋覽勝寧辭遠逃名不
厭深野猿啼夕照山鬼嘯重林何事牽行役霜
華兩鬢生

聞鐘

何處寺鐘清寥寥八百聲霜空隨鴈度月曉促
鷄鳴頓醒人間夢能催客裏程凝然孤枕聽於

此悟無生

登白嶽

鬼鬼白嶽與天平歷險攀躋竭上清絕壁千尋
疑翠色飛泉一夜馮寒聲洞門雲暝龍常卧殿
閣風高鶴自鳴今古烟霞留勝迹欲從此地學
長生

登白岳捨身巖

捨身巖畔白雲重松栢陰陰濕翠濃回首上方
仙樂近忽從風雨過群峯

白嶽訪松泉黃羽士

一徑入桃源蘿陰翳石門松深時隱鶴洞古日
攀猿碧草紉春服青霞當晚殮欲求養生術來
此乞玄言

飯白岳張海雲羽士山房

遁世已無譁茅堂薜荔遮玄經披几淨青嶂逼
簷斜麋鹿常爲伴烟霞卽是家山厨供野饌薇
蕨有新芽

訪青崖張煉師

鬱鬱蒼松依碧山樓真岩下隔塵寰采芝石上
呈三秀煉液爐中出九還壇月步虛招白鶴海
霞餐就駐紅顏已知久授桐君籙欲問長生遠
叩關

遊白岳山與松窩子百瓢道人聯句

一天秋色淨松萬里白雲空百高歌天地外梅
結侶烟霞中松臨臬迎野鶴百拂袂御天風梅
顧影我獨瘦松掀髯爾何雄百明月涼可掬梅
危峯窈難通松行覺荷衣爽百坐令蘿帶鬆梅

願言協心志松誰能躡高蹤百乞我一刀圭梅

遲子千仞峯松苔滋龜背綠百松潛鶴頂紅梅

談玄心自逸松吟句字還工百引領望三島梅

携琴訪八公松斗柄回將北百鐘聲來自東梅

夜闌興曷已松何時復相從百

寒夜晤襄上人山居

一入青蓮宇俄生習靜心經聲聞永夜月色玩
幽林殘雪寒侵褐踈風暗響琴坐餘成妙想刻
燭已忘深

天台黃說仲見訪

一徑破蒼苔孤扉爲客開
喜逢湖海士共泛菊花杯
劍拂寒星色歌翻郢雪才
知君鴻鵠志不受野鷗猜

偶題

自適丘園性因成懶與疎
坐依行處石眠枕讀殘書
明月三杯後清風一榻餘
眼前無長物山色在吾廬

夜與故人別

西窓通夕話明月在孤松
別緒惟憑酒離情祇聽鐘
江帆飛萬里雲樹隔千峰
猶恐相逢日浮生似轉蓬

夜坐

幽坐南軒久秋來梧葉初
風聲入戶爽月色印窓
虛靜慮忘諸趣澄心得
晏如一燈相對坐不覺
已更餘

坤溪彭師夜過

自分冥栖久蓬蒿沒徑深
浮生耽嬾慢上客愛

招尋月照清樽影風迴綠綺音夜深頻剪燭慷慨一論心

山居即事

性本愛巖居朝來髮懶梳竹聲茶臼冷雲影草堂虛獨坐喜垂釣閒眠或枕書山中少隣並來往只樵漁

寄朱文夫

秋聲一夜入梧桐黃葉紛紛亂舞空月有清輝臨北牖客無芳信附西鴻十年湖海懷長劍萬

里烟波逐短篷與爾相期携手處鱸魚江上

秋風

寄贈徐山人

不識南州處士家胥山山下碧溪斜茅堂古樹容君隱白石清泉隔世譁十載交游虛歲月一緘書訊托烟霞何時杖屨來東郭把臂重論秋水涯

狂夫

狂夫癖性愛村居傍竹誅茅結草廬抱甕且供

三畝藥給錢聊蓄一池魚山中自釀宜春酒窓
下閒抄種樹書忽報早梅開隴畔蹇驢衝雪訪
樵漁

鍾君惠白菊賦謝

空齋九日渾無賴未着籬邊一二花喜有故人
貽白菊先分秋色到寒家月明靜夜香堪挹枝
傲清霜艷轉嘉欲學淵明耽玩賞且將杯酒閱
年華

秋日送蘇晉卿還楚

秋盡長江落葉空故人臨別恨無窮一樽酒對
吳門月千里帆開楚澤風湘水春餘孤客怨桂
花秋滿小山叢他時尚有相思處尺素還憑候
雁通

贈蔡將軍

先朝萃冑冠江東獨羨將軍胆氣雄錦帳夜開
湖渚月牙旗晴捲海門風弓藏曉霧狼烟淨劍
拂秋霜朔氣空國士未須投筆志請纓還許建
奇功

寒夜

寒宵獨無寐，虛室坐來清。
笑看燈花落，蕭然秋思生。
踈櫺風悄悄，孤榻月盈盈。
忍聽寒螿夜，悽悽不耐情。

頌顧侯二首

試宰臨嘉邑，聲名卓魯同。
棠遺百里蔭，麥秀兩岐豐。
聽訟鳴琴裏，敷文製錦中。
漢廷推侍從，箬筆待乘駟。

其二

自佩銅章至，絃歌閭里歆。
琴彈官閣靜，花繞訟庭寬。
霖雨千郊澤，仁風萬井安。
五雲頒紫詔，鳴珮上金鑾。

贈別郭次父

孤舟送歸客，把袂惜幽期。
濁酒歌明月，青燈論舊詩。
幾年春草夢，千里暮雲思。
別恨邗堪道，斜陽碧水湄。

江行

遠水秋江淨，長天落照明。
雲隨歸鳥急，風逐去

帆輕樹裡橫孤驛山前控古城扁舟栖泊處一
望暮潮平

京口夜泊

旅棹泊江頭潮聲傍枕流江村明月上沙渚澹
烟浮荒草寒沙渡平林古驛樓蕭蕭風露夜客
思倍傷秋

涉江風雨感懷

江濶波濤洶方知客路難凍雲迷遠岫急浪湧
危湍石燕飛朝兩江豚吹夜寒沙汀問鴻鴈何

日到長安

登茅山

躡屩攀仙嶠烟霞兩袖携幡幢搖日麗樓閣控
雲低水接三江近山連五岳齊登臨當紀勝石
壁無新題

吊均嶽李山人

山人忽羽化白雲空滿山泉聲猶咽澗鶴唳尚
悽關貌肖烟霞古編遺玉洞閒忽聞隣笛起惆
悵夕陽間

開要卷三
卷之三
挽項墨林二首

論交三十載每憶項斯賢
與傲雲林筆閒逃雪竇
禪硯凝蝌蚪蹟爐散麝蘭
烟遺墨人爭賞芳名使後傳

其二

志逸耽嘉遁神遊翰墨場
嗜茶鴻漸癖臨帖素師狂
案冷商周鼎詩追漢魏章
真元歸大化高譽世難忘

壬午除夕

歲月忽三邁年華又欲除
笙歌城市沸燈火草堂虛
野外梅花早杯中竹葉餘
新情兼舊况還向此宵攄



國家圖書館, NATIONAL CENTRAL LIBRARY, TAIWAN, R.O.C.

卷之三
十四

閒雲稿卷之四

嘉禾梅墟山人周履靖著

獨遊

散髮步郊墟
溪光瀉雲影
頽陽下清川
餘光藹烟景
飛鳥歸長林
樵歌起幽境
松風何蕭蕭
吹我葛巾冷
超然意無違
山月漸耿耿

君不見

君不見畢吏部
左手持螯右把酒
又不見陶荆
州日日運甓臨
牀頭
人生得意貴
行樂何用勞

勞空自謀鏡中朱顏昔日妍今來憔悴霜滿顏
麟閣功勳有誰在鳳樓歌舞幾人傳看花兩眼
淚向月徒酣眠有酒不能飲行營萬井田田家
辛苦心計粗歌兒不置置牧奴一朝黃土覆君
面空使山鳥啼葫蘆君不見日西組

詠松

矯矯凌雲幹亭亭偃蓋松孤標持漢節高爵受
秦封蒼雪飄春澗寒濤浴晚峯曾聞偃衽採服
食隱崆峒

詠竹

戛戛碧琅玕脩脩學鳳翰自存君子操不向俗
人看淇澳清風滿瀟湘暮雨寒蔣生三徑僻求
仲得盤桓

詠梅

驛使傳春早先從庾嶺開雪深高士卧月白美
人來香入羅浮夢詩憐水部才莫教羌笛弄零
落思徘徊

詠蘭

九畹分幽質深林獨抱芳碧雲凝暮藹華露浥
秋涼欲擷騷人佩能遺王者香謝庭多振藻芝
草並輝光

喜李君實得子

藍田時種玉今喜茁芽新瑞氣融和日祥雲慶
吉辰丹崖飛鸞鶩天府降麒麟此日賓朋集爭
看掌上珍

撫琴

新月上簷楹寒光映脩竹夜靜人自閒張琴寫

幽獨清風振長林流泉響空谷舉世寡知音
颯闕茅屋

和沈觀察遊石亭山庄

山家邀客釣槎頭投轄高情信宿留白日傾樽
如北海清風下榻擬南州松間月色鳴玄鶴竹
裏琴聲寫碧流自是孟公多逸興飄然巾幘傲
林丘

懷仙詞

振策凌蒼巔步屨尋仙跡玉露浥璫枝青烟散

林陌松深鶴夢寒山曠鳥聲寂溪流鑿人清飛
雲當戶白靜養性中天長歌激虛瀑琴調流水
音衣帶空青色閒採紫芝英欲跨綵鸞翩優游
隨所之自與塵囂隔

曙天上人見過賦贈

乍辭天竺寺杖錫遠來尋一晤無生話悠然出
世心鉢龍歸呪水慈鶴遶禪林何日離塵網還
來叩竹深

題玉林王羽士丹室

羽客栖真處清虛絕世氛爐中涵汞火衣上繡
春雲劍拂青蛇色書繡寶篆文閒來調玉軫一
曲寫南薰

和沈觀察項幼安見訪熱崗相與清談留連
信宿喜而有作

高人開竹徑求仲得相尋白日耽玄覽清風洽
道襟塔前流水碧坐外落花深晤對淹清夜雄
談爽客心

和沈觀察遊張公洞四首

萬壑翠相連猿聲繞樹巔松花飄似雪石壁擁
如蓮窅窳藏雲屋空明隱洞天我來探絕勝衣
袖攬雲烟

其二

岩深蒼蘚合洞暝白雲吞鶴慣巢松頂藤偏補
石根三生緣不斷千古勝彌尊無邨鶻啼處殘
春欲斷魂

其三

穿巖復探壑石罅漏晴光竹覆寒潭碧蘿緣絕

壁蒼谷深因識鄭洞言只名張坐久閒花落紛
紛點客裳

其四

誰道仙源隔招尋有路通白雲封玉洞翠壑嵌
珠宮樹結千年實梁飛百尺虹一瞻幽絕界消
盡客心雄

題陶甄卿游息庵

十載蒸都遊俠情風流絕似棄襦生歸吳早就
藍田業作賦先傳洛社名寶劍夜光迴斗柄彩

毫春色動江城知君逸興凌霞表叢桂秋陰好
記盟

王山人移居郊外久不晤對賦此招之

羨爾遠城郭高蹈居江村蒼苔滿幽徑綠蘿掛
頽垣長松覆茅屋曲沼沿溪源琴書盈竹榻
袖統蔬園坦夷存素志靜默養真元我亦愛蕭
散誰能屏囂喧微風動虛牖明月臨柴門緝芟
還成服煮葵聊假食不貪恒自足無爲道自尊
高懷嗣逸響雅誼存清樽我欲移蠟屐恐破青

蘚痕白雪侵短髮寒風委芳蓀倬彼秋菊英含
萃傲霜軒期君促膝飲高齋晤清言厭厭莫辭
醉良以友道敦

和沈觀察雙河道中

一望雙河上悠悠雲水生听花香細細谷鳥語
嚶嚶夕照移帆影兼程問水名前村燈火起山
犬吠柴荆

寄潘長白

一

來經幾秋腰橫三尺劍身向五

湖遊

竹風白布裘莫耽行處樂已

忘故鄉

卧榻

地僻人堪隱居幽興自賒借書過僧寺貰酒問
隣家對月還吟杜陵詩漫煮茶閒來多懶慢一
榻傲雲霞

虛臺王羽士同一方外見過四首

青谿來逸客振策到柴扉拂屣談玄爽焚香裊
衣微雲林堪卒歲微葺可充餐長笑歸去千

山暎落暉

其二

忽聞青鳥使來自赤松家屬躡千山雪衣披五
色霞袖中携紫籙笑裏講黃芽知爾遊方外猶
從泛海槎

其三

身在終知幻心虛始悟真養鷄逢甲子抱犢守
庚申鼎內陰陽合壺中日月新他時龍虎伏舍
筏度玄津

其四

不識浮丘伯眉間秀色滋餐霞清五內服食去
三尸白日常調鶴青田自採芝玉臺明月夜誦
徹步虛辭

靈鵲噪

憶昔與君晤好鳥花間鳴洞關向林旭能令春
夢灑卮酒共爲樂半醉調秦箏嗟哉薄悖子何
事貪浮名萬里京國遠一朝離別輕徘徊深閨
月夜夜傍愁明關山路杳邈妾夢安足評清晨

有靈鵲忽作簷前聲攘攘意未定似聞車馬輦
愁眉欲爲展離恨猶未傾悠悠竟飛去寸腸荆
棘生天涯誰可到我心如搖旌何時一尊酒同
聽枝上鶯

送會稽史肖山之京二首

蘭亭瀟灑客策馬動輕塵杯酒一宵月關山千
里人壯懷俱仗劍別淚共沾巾羨爾遨遊志慚
余潦倒身

其二

不忍攀河柳誰堪上馬情
巖生濁酒今宵別離懷此日傾相思頻入夢迢
迢隔燕京

送僧歸山

去住本無定豈爲勸遊歸
杯從滄海渡錫向白雲飛
問法留新偈回流送落暉
千山渺何許烟靄暮霏霏

徐潤卿見訪

相逢徐穉興偏豪巖壑誰稱二
隱高萬樹梅花

供弄笛一庭蕉葉助揮毫
月明孤鶴臨軒舞風細
瑤琴倚石操莫謂村家少
兼味牀頭喜有舊松醪

送曙天上人過金壇說法

不住沃州家飄然雲水涯
禪心本無住到處演三車
揮塵天花散觀禪寶月華
遙知傳偈後功德遍恒沙

和沈觀察遊玉女潭

層巒窈窕隱仙臺玉女凌風
向此來滿壑寒濤

松奏響一天清露鶴飛迴雲流靜畫丹裾集月
照空潭寶鏡開躡屩不辭躑勝覽與餘斜日坐
蒼苔

詠雪

朔雪瀟瀟下飛花六出零梅添新蕊白竹減舊
枝青野岼迷高下滄洲入杳冥欲追王子與剡
曲試揚舲

山齋雪霽有客携樽見餉

朔風吹雪遍郊扃積素凝華萬里明徑外行人

微有跡樹頭栖鳥冷無聲漫將松火烹茶熟更
取蘭英瀉酒清莫道子猷偏盡興夜深鷄黍故
人情

晚步

晚向村前步涵山落照晴牧童臨水渡栖鳥傍
林鳴入坐松飈細當窓蘿月明競歸漁父棹款
乃一江聲

寄懷友人

一別音容已隔春如何魚雁久沉淪白雲望斷

天涯日芳草頻傷夢裏神客路春光堪共惜燈
窓夜雨向誰親相逢未卜知何日忽動相思淚
滿巾

詠漁

笠澤簑雲計未窮釣舟無繫任西東蘆花洲畔
栖明月葦葉灘頭趁好風晒網前村懸落照得
魚貫酒醉孤蓬寄言朝省垂纓者賸有滄浪濯
足翁

詠樵

平生蹤跡寄烟巒眼底浮雲世外看操斧千山
林木振披裘五月嶺松寒溪邊漁艇臨風話石
上棋仙向月觀一嘯青霞歸去晚醉餘無夢到
長安

城南

半畝幽人宅千竿修竹林霧深留隱豹風暖自
鳴禽尊酒清時社琴書靜者心柴門榜流水不
厭客來尋

哀王孫

王孫意氣豪寵貴挾金貂朝趨含章近暮謁甘
泉高金羈紫駟艷玉勒青駘驕相逢聚冠蓋劍
佩寒光黯昂昂登瀛客聲價重時髦朱樓綺窓
內錦帳爇蘭膏燕歌與趙舞鷓絃雜鸞簫黃金
不惜費然諾輕鴻毛一朝黃金盡壯氣日已消
朱門食客散戚里多蕭條駕言矜誇者憔悴徒
心切

哭彭冲溪師未及赴奠入夢已頻

凍雲漠漠咽孤鴻黛色摧頽海岳空笑語有情

通夢寐衣冠無地泣英雄明珠墮落隨寒雨寶
劍沉埋斷晚虹絮酒椒醬奠何處白楊蕭瑟五

原中

悼內

殘燈慘澹照愁殷中路那驚馬失羣夜靜梁空
惟落月秋深帳冷獨栖雲城頭烏在聲猶咽鏡
裏鸞飛影不分幾度相思頻入夢鳴琴絃絕不
堪聳

惜卿逝四首

亡室顧化孤悰悄然綿歷歲華心焉如割
歌以節哀以代鼓缶

卿在庭樹青卿去庭樹白樹自有青時卿去無
歸日

其二

雲暗月無光夜久燭不滅憶卿對語時眼枯淚
成血

其三

有生即有死何用傷局促去葉捐二女去雲滂不

成宿

其四

對酒那能醉寒窓坐落日月照紅羅幃孤眠更
蕭瑟

寄徐潤卿

衡門新水至訪棹久淹期聽鳥牽春思看花憶
故知長風五柳徑明月習家池何日携尊酒同
酌倒接羅

山居雜詠八首 有引

開卷和
卷之四
余隱白亭既無轍跡亦罕郵題日遊數子
之間遂有終焉之意各述短章以志來
好云

鶴

月明千嶂曉聲徹九臯虛養就冲霄翮好寄茅
君書

扁舟

白日青山曲春風綠水洲蓬窓滿書畫疑是米
家舟

茶竈

松風起夜涼呼童燃楚竹四壁激濤聲明月照
茅屋

蘭缸

昔賢曾繼晷藉此夜焚膏明滅塵窓影山人讀
楚騷

菖蒲

昌陽異凡卉九節蘊仙靈真此幽人室歲寒常
自青

水仙

不隨衆卉芳玉質抱冰霜微步清波上塵生羅襪香

香圓

九月洞庭霜纍纍黃金色嗅味並蘭蓀貯之香滿室

菊

黃花晚更香孤芳自相保含英霜後開抱節枝頭老

壽錢夫人

玄髮翻然鶴髮新紫霞爲服玉爲神仙漿百斗開華屋應與麻姑作主賓

步虛詞二首

洞門深鎖鶴飛還香氣氤氳紫翠間讀罷黃庭明月上泠泠清露滴松關

其二

西池曾宴九霞觴自愛山中日月長奏徹雲璈瑤海上青鸞玄鶴任翱翔

偶題

薜蘿爲服擗爲冠
變幻浮雲世外看
惟有孤梅在深谷
霜枝雪蕊獨凌寒

集陶句六首

披榛步荒墟
守拙歸園田
了無一可悅
桃李羅堂前

其二

草廬寄窮巷
晨夕看山川
漉我新釀酒
開飲自驩然

其三

寢跡衡門下
而無車馬喧
卧起弄琴書
甘以辭華軒

其四

笑傲東軒下
素心正如此
徘徊丘隴間
不學狂馳子

其五

濁酒聊自足
盃盡壺自傾
未知明日事
聊復得此生

其六

有酒斟酌之
日夕歡相持
浪莽林野娛
終身與世辭

王右軍贊

玄襟曠度直
寄翰墨虎躍
龍騰聞其心
畫黃庭
寫罷籠鶩自
適間曹陸沉
楸枰永日

陶靖節贊

世宰之胤何
逢易姓空山
一廬鳥啼逾
靜素琴
無絃黃菊有
徑澹蕩餘生
啣杯樂聖

李太白贊

長庚毓秀朗
月呈標凌鑠
璫寺獨擅人
豪廓哉
天風大鵬逍
遙塵世希有
列仙爾招

杜子美贊

公之詩篇沉
鬱典重詞苑
彌宗千古稱
頌公之
忠愛顛沛縻
忘賜玦不復
旅人彷徨

孫真人贊

含真抱畸偉
然道流以仁
搏濟藥囊自
修金針
妙用化工與
謀淵龍乞療
妖豎冥搜

蘇長公贊

金蓮夜歸玉堂學士何被諧誣播黃竄惠節槩
經綸推崇時輩精麗蒼穹芒寒五緯

邵康節贊

安樂置窩先天玩圖皇極之數用倍非孤津橋
月白杜鵑夜呼心無一物太清與俱

陳希夷贊

安期遐舉許由潛蹤托言仙術黃白匪崇歌枕
長睡踵息融融太平喜遘英辟乘龍

林和靖贊

孤山之逸霞岑烟澤梅吐凌寒鶴翩報客得意
詩篇富於寵秩後有太初風流爾匹

五柳先生贊

寄奴鼎定典午祚移耻事異姓踵搯伯夷有菊
有釀有田有谿身淹蓬藿氣吐虹霓

梅顛道人傳

梅癩梅里之癩叟也性嗜梅種梅幾百株環墻
皆梅也更不喜掃除蒿萊滿徑結菴翦蔚中放

開卷卷之四
歌狂嘯若不知有人間世或旬月不出瓢飧汲
飲而已意與景會則摘英嗅芬掃石梅下移墨
揮灑其間得意輒狂叫詫爲羲獻家流每吟小
詩大抵宗法韋孟冲淡而多味合不合亦不論
平生無長物止一鶴共行梅間晴雲朗晝戛然
長鳴曰樂矣快矣吾丹成便可折梅馭此而去
也以是人或嘲之爲癡叟叟曰吾癡以梅當號
梅癡弗遺所好也

贊曰

是渠非渠穆然清癯是潔非潔山澤一漁呼梅
爲友傍竹而廬濶畧世故恬然以居席門甕牖
一瓢晏如種苴南山披雲帶鋤興來把酒芼蕨
烹蔬烟霞既痾軒居乃踈彼曰何其是號梅墟

阿中生贊

性弱氣冲形癯骨性怡情賦景宗陶謝之章嗜
酒性慵多嵇生之態龍蛇縱於繭楮舒筆抄之
恒岱鳩杖選時而携鶴笠肖形而戴朱輪嗒爾
忘情踈梅生平注愛自本濂溪之裔客曰和靖

又在

茹草翁贊

咄咄此翁山澤之子松蘿紉衣泉石礪齒有時
浩歌聲逼太始有時揮毫雲烟滿紙糟丘之巔
酒池之涘披髮徜徉以栖以遲

題翎毛花草四絕

玉蘭山鵲

露掌高承白玉盤霓裳不怯曉風寒傳得漢宮
春色早雙來靈鵲報平安

荷榴鸚鵡

紅粧競出若耶溪噴火丹榴着眼迷鸚鵡似傳
魚袋信一雙花底故來栖

此出崔秘書傳

芙蓉鴛鴦

灼灼芙蓉帶露寒翩翩匹鳥浴晴瀾分明一片
清秋水好作巴江濯錦看

山茶水仙白頭翁

鶴頂丹珠艷更柔凌波羅襪暗香浮也知霜雪
林中鳥弄出新聲露白頭

偶見溪南梅放

江城雪霽粲晴霞幾處探梅未見花應是東風
偏着意一枝先放水南家

見梅憶吳少君

昔年樽酒一論文今日空瞻萬里雲欲識風流
動春思梅花開處轉思君

漫興

浮世總成幻迂踈愧不才詩偏愁裏得狂是酒
中來野鹿時相狎沙鷗莫浪猜羸頭藏宿醞幾

向月中開

哭彭師冲溪

大招一別動長悲路隔重泉不易期千古文章
垂世譽百年道誼屬吾私尊前乍冷青蓮社篋
裏空遺白雪辭從此微言傷已絕殘雲落日愴
深思

送蔡墨林項季子

高丘埋玉恨難窮此日哀歌蒿里中魄散九原
無返照舟藏一壑動悲風琴遺石匣音初絕劍

掛松稍事已空獨對荒楸腸欲斷不堪長笛起
鄰東

